

МАЛЫЙ МОЛЕБНЫЙ КАНОН

глас 8

Пресвятей Богородице¹

Песнь 1

Ирмос: Воду прошэд яко сүшу, и егїпетскаго зла избежав, израїльтянин вопіяше: Избáвителью и Бóгу нáшему поїм.

Припев: Пресвятáя Богорóдице, спасі нас.

Мно́гими содержímь напáстыми, к Тебé прибегаю, спасéния искій: о, Мáти Сло́ва и Дéво, от тяжких и лю́тых мя спасі.

Страстéй мя смущáют прилóзи, мно́гаго уны́ния испóлнити мою́ дúшу; умирí, Отрокови́це, тишино́у Сы́на и Бóга Твоегó, Всенепорóчная.

Слава: Спáса рóждшую Тя и Бóга, молю́, Дéво, избáвитися ми лю́тых: к Тебé бо ны́не прибега́я, простираю́ и дúшу и помышлéние.

И ны́не: Недúгующа тéлом и душéю, посещéния Божéственного и промышлéния от Тебé сподóби, едїна Богомáти, яко благáя, Благáго же Родітельница.

Песнь 3

Ирмос: Небéснаго кру́га Верхотворче, Гóсподи, и Цérкве Зиждітелю, Ты менé утверді в любви́ Твое́й, желáний краю́, вёрных утверждéние, едїне Человеколю́бче.

Предстáтельство и покрóв жízни моея́ полагаю́ Тя, Богородітельнице Дéво: Ты мя окормі ко пристáнищу Твоему́, благіх ви́новна; вёрных утверждéние, едїна Всепéтая.

Молю́, Дéво, душе́вное смущéние и печáли моея́ бúрю разоріти: Ты бо, Богоневéстная, начальника тишины́ Христа́ родила́ еси́, едїна Пречістая.

Слава: Благодéтеля рóждши дóбрых ви́новнаго, благоде́яния богáтство всем источі, вся бо мóжеша, яко сільнаго в крéпости Христа́ рóждши, Богоблажéнная.

И ны́не: Лю́тыми недúги и болéзненными страстýми истязáему, Дéво, Ты ми помози́: исцелéний бо неоску́дное Ты зная́ сокрови́ще, Пренепорóчная, неизживáемое.

Песнь 4

Ирмос: Услы́шах, Гóсподи, смотрéния Твоегó та́инство, разумéх делá Твоя́ и прослáвих Твоé Божество́.

Страстéй мо́их смущéние, кóрмчию рóждшая Гóспода, и бúрю утиші́ мо́их прегрешéний, Богоневéстная.

Милосéрдия Твоегó бéздну призывáюще подаждь ми, яже Благосéрдаго рóждшая и Спáса всех пою́щих Тя.

Наслажда́ющася, Пречістая, Тво́их даровáний, благодарственное воспевáем пéние, вéдуще Тя Богомáтерь.

¹ Творение Феостирикта монаха.

Слава: На одре болѣзни моея и немоши низлежашу ми, яко Боголюбива, помози, Богородице, еди́на Присноде́во.

И ныне: Надежду и утверждение и спасения стѣну недвижиму имуще Тя, Всепѣтая, неудобства всякаго избавляемся.

Песнь 5

Ирмос: Просвети нас повелѣнии Твоими, Господи, и мѣшцею Твоею высокою Твой мир подаждь нам, Человеколюбче.

Исполни, Чистая, веселия сердце мое, Твою нетленную даючи радость, веселия рождающая Виновнаго.

Избави нас от бед, Богородице Чистая, вѣчное рождающая избавление, и мир, всяк ум преимуший.

Слава: Разреши мглу прегрешений моих, Богоневѣсто, просвещением Твоея свѣтлости, Свет рождающая Божественный и превѣчный.

И ныне: Исцели, Чистая, души моея неможѣние, посещения Твоего сподобляющая, и здравие молитвами Твоими подаждь ми.

Песнь 6

Ирмос: Молитву пролию ко Господу, и Тому возвещу печали моя, яко зол душа моя исполнися, и живот мой аду приближися, и молюся яко Иона: от тли, Бже, возведи мя.

Смерти и тли яко спасл есть, Сам Ся издав смерти, тлѣнием и смертию мое естество, ято бывшее, Дево, моли Господа и Сына Твоего, врагов злодействия мя избавити.

Предстательницу Тя живота вем и хранительницу тверду, Дево, и напастей решающую молвы, и налоги бесов отгоняющую; и молюся всегда, от тли страстей моих избавити мя.

Слава: Яко стѣну прибежища стяжашом, и душъ всесовершенство спасѣние, и пространство в скорбех, Отроковице, и просвещением Твоимъ присно радуемся: о, Владычице, и ныне нас от страстей и бед спаси.

И ныне: На одре ныне немощствуяй лежу, и несть исцеления плоти моей: но, Бога и Спаса миру и Избавителя недугов рождающая, Тебе молюся, Благой: от тли недугъ возстави мя.

Песнь 7

Ирмос: От Иудеи дошедше отроцы, в Вавилоне иногда, верою Троицескою пламень пещный попраша, поюще: отцев Бже, благословен еси.

Наше спасѣние якоже восхотел еси, Спасе, устроить, во утробу Девыя вселился еси, Юже миру предстательницу показал еси: отецъ нашихъ Бже, благословен еси.

Волителя милости, Егоже родила еси, Мати чистая, умоли избавитися от прегрешений и душевныхъ сквернъ верою зовущимъ: отецъ нашихъ Бже, благословен еси.

Слава: Сокровище спасѣния и Источникъ нетления, Тя рождающую, и столпъ утверждения, и дверь покаяния, зовущимъ показал еси: отецъ нашихъ Бже, благословен еси.

И ныне: Телесныя слабости и душевныя недуги, Богородительнице, любовию приступающихъ к крову Твоему, Дево, исцелити сподоби, Спаса Христа нам рождающая.

Песнь 8

Ирмос: Царя Небеснаго, Егѡже поютъ вси ангельстии, хвалите и превозносите во вся вѣки.

Помощи яже от Тебѣ требующия не презри, Дѣво, поющия и превозносящия Тя во вѣки.

Неможѣние души моея исцеляеши и телесныя болѣзни, Дѣво, да Тя прославлю, Чистая, во вѣки.

Слава: Исцелений богатство изливаеши верно поющим Тя, Дѣво, и превозносящим неизреченное Твое рождество.

И ныне: Напастей Ты прилоги отгоняеши и страстей находы, Дѣво: темже Тя поем во вся вѣки.

Песнь 9

Ирмос: Воистинну Богородицу Тя исповѣдуем, спасеннии Тобою, Дѣво чистая, с безплотными лики Тя величающе.

Тока слез моих не отвратися, Яже от всякаго лица всяку слезу отъемшаго, Дѣво, Христа рождающая.

Радости мое сердце исполни, Дѣво, Яже радости приемшая исполнение, греховную печаль потребляющи.

Пристанище и предстательство к Тебѣ прибегающих буди, Дѣво, и стена нерушимая, прибежище же и покров и веселие.

Слава: Света Твоего зарями просвети, Дѣво, мрак неведения отгоняющи, благоверно Богородицу Тя исповѣдающих.

И ныне: На месте озлобления немощи смирившася, Дѣво, исцели, из нездравия во здравие претворяющи.